

O Padroado da Fundación Vigo en Deporte está constituída, na actualidade, polas entidades Concello de Vigo e PSA Group membros fundadores desta organización de natureza fundacional, recoñecida de interese xeral galego e constituída sen ánimo de lucro.

A Fundación VIDE foi declarada pola Orde do 4 de febreiro de 2002 coma entidade de interese galego con rexistro no Protectorado da Xunta de Galicia, este é, o “Servizo de Rexistro e Asesoramento de Entidades Corporativas e de Dereito Privado da Consellería de Presidencia, Administración Pública e Xustiza”.

#### *Fins fundacionais*

A Fundación VIDE naceu polas necesidades sociais ante o incremento do tecido deportivo e de eventos de envergadura da cidade de Vigo.

Os seus obxectivos iniciais e que mantemos no tempo son:

*“O fomento e promoción do deporte a través do apoio, difusión e axuda ás entidades deportivas da cidade de Vigo, como medio de promoción e difusión da cultura deportiva, posibilitando un maior achegamento a todos os cidadáns e ao resto da sociedade en xeral”* (art.6 dos Estatutos Fundacionais).

#### *Destinatarios*

A Fundación Vigo en Deporte ven desenrolando a súa actividade fundamentalmente mediante o apoio aos catro sectores deportivos que conforman a totalidade do deporte vigués:

- clubs de base
- clubs de elite
- deportistas individuais
- deporte popular

#### *Órganos de goberno*

##### *1. Padroado*

É o máximo órgano de goberno da Fundación e está formado por dous membros de cada unha das entidades

Concello de Vigo: D. José Manuel Fernández Pérez (Presidente en funcións e Vicepresidente)

PSA Group: D. Frédéric Puech e Dña Pilar Iglesias Fernández.

Secretario: D. José Riesgo Boluda

##### *2. Comité Executivo*

Este órgano está integrado por un representante de cada entidade.

#### *Liñas de actuación*

Dando cumprimento aos fins fundacionais, no ano 2017 materializáranse as accións xerais nas seguintes liñas ou programas de actuación:

## A. CAMPAMENTOS POLIDEPORTIVOS

### CAMPUS POLIDEPORTIVO DAS TRAVESAS

Nestos últimos dezaioito anos mais de 3.700 rapaces e rapazas viguesas puideron gozar da oportunidade de achegarse á práctica dos deportes, dende a iniciación ata o perfeccionamento da man das mellores entidades deportivas da cidade: R.C. Celta Baloncesto, Vigo Voleibol, S.D. Academia Octavio, Traviesas Hóckey, Deportivo Xuvenil de Teis, Mosterio Bembrive F.S., AMFIV, Halcones de Beisbol, Badminton Rachaplumas, Ciclista Vigués e Vigo Rugby.

O principal obxectivo é achegar aos rapaces e rapazas á realidade multideportiva da cidade enriquecendo o seu coñecemento e práctica deportiva, fomentando valores de convivencia e deportividade.

Consecuentemente alcánzase un segundo obxectivo, e non por iso menos importante, o apoio ao deporte de base: debido ao grao de éxito do programa increméntase o número de inscritos nas escolas das entidades deportivas participantes, posto que moitos destes rapaces queren continuar coa práctica do deporte que empezaron a descubrir.

Beneficiáronse deste programa todos aqueles rapaces e rapazas con idades comprendidas entre os 6 e 14 anos cun total de 200 prazas. Para unha mellor organización posteriormente divídense en grupos de idade diferenciados por cores.

As actividades realizáronse no Complexo Deportivo das Travesas, en xornada continua de 9h a 18 h, de luns a venres. No prezo incluímos un refrixerio a media mañá e un servizo de comidas para o xantar. Ademais dun seguro para tódolos participantes.

As datas nas que se realizou esta actividade foron do 26 ao 30 de xuño, posto que na semana anterior os rapaces remataron o curso escolar.

As actividades deportivas dirixidas por monitores profesionais son balonmán, baloncesto, voleibol, fútbol sala, hóckey a patíns, baloncesto en cadeira de rodas, béisbol, rugby, bádminton e ciclismo. Ase mesmo, as xornadas combináronse con actividades complementarias como piscina, e unha excursión ás Illas Cíes (o mércores día 28). Ademais, todos os anos tentamos incluír outras actividades didácticas e lúdico-educativas (bailes, cancións...).

O último día, todos os rapaces e rapazas recibiron un diploma de asistencia e sortearemos agasallos relacionados coa practica do deporte, todo elo nunha festa de clausura onde temos as portas abertas para as familias e demais público.



#### CAMPUS POLIDEPORTIVO DA ETEA

O principal obxectivo é achegar aos rapaces e rapazas á realidade multideportiva da cidade enriquecendo o seu coñecemento e práctica deportiva, fomentando valores de convivencia e deportividade.

Consecuentemente alcánzase un segundo obxectivo, e non por iso menos importante, o apoio ao deporte de base: debido ao grao de éxito do programa incrementábase o número de inscritos nas escolas das entidades deportivas participantes, posto que moitos destes rapaces queren continuar coa práctica do deporte que empezaron a descubrir.

Beneficiáronse deste programa todos aqueles rapaces e rapazas con idades comprendidas entre os 6 e 14 anos cun total de 100 prazas. Para unha mellor organización posteriormente divídense en grupos de idade diferenciados por cores.

As actividades realizáronse no Complexo Deportivo da Etea, en xornada continua de 9h a 14 h, de luns a venres. No prezo incluínos un refrixerio a media mañá. Ademais dun seguro para tódolos participantes.

As datas nas que se realizou esta actividade foron do 3 ao 7 de xullo.

As actividades deportivas dirixidas por monitores profesionais foron ximnasia acrobática (club Flic Flac), rugby (club Vigo Rugby) e remo (club de Remo La Guía) .

O último día, todos os rapaces e rapazas recibiron un diploma de asistencia e agasallos relacionados coa practica do deporte.



#### CAMPUS POLIDEPORTIVO DE SAMIL

O principal obxectivo é achegar aos rapaces e rapazas á realidade multideportiva da cidade enriquecendo o seu coñecemento e práctica deportiva, fomentando valores de convivencia e deportividade.

Consecuentemente alcánzase un segundo obxectivo, e non por iso menos importante, o apoio ao deporte de base: debido ao grao de éxito do programa incrementábase o número de inscritos nas escolas das entidades deportivas participantes, posto que moitos destes rapaces queren continuar coa práctica do deporte que empezaron a descubrir.

Beneficiáronse deste programa todos aqueles rapaces e rapazas con idades comprendidas entre os 6 e 14 anos cun total de 100 prazas. Para unha mellor organización posteriormente divídense en grupos de idade diferenciados por cores.



As actividades realizáronse no Complexo Deportivo de Samil, en xornada continua de 9h a 14 h, de luns a venres. No prezo incluimos un refrixerio a media mañá. Ademais dun seguro para tódolos participantes.

As datas nas que se realizou esta actividade foi do 10 ao 14 de xullo.

As actividades deportivas dirixidas por monitores profesionais foron tenis (Federación Galega de Tenis), pádel (club Cies Padel) e kayak (club Kayak Vigo) .

O último día, todos os rapaces e rapazas recibiron un diploma de asistencia e agasallos relacionados coa practica do deporte da man do Alcalde e o Concelleiro de Deportes.



### ***B. TORNEO INTERNACIONAL DE FÚTBOL BASE “VIGO CUP”***

O Torneo Internacional de Fútbol Base “VIGO CUP” este ano cumpriu a súa decimo sétima edición. A Fundación VIDE traballou dende principios de ano na organización deste evento. Uns 3.500 nenos e nenas de entre os 6 e os 16 anos xogaron nos mellores campos do termo, apoiados por preto de 300 técnicos. En total oito categorías, seis para fútbol 7 (sub6, sub7, sub8, sub10, sub12, e damas) e dous para fútbol 11(sub14 e sub16). Xogarán a fútbol pero tamén compartiran convivencias, xogo limpo e sobre todo diversión. Combínase deporte e ocio da mellor forma posible: cos mellores campos e coordinadores e coa paisaxe máis envexable, as Rías Baixas.

As datas do 2017 foron dende o luns 3 de xullo ata o domingo 9 de xullo.

Un ano mais a Vigo Cup celebrouse nos campos municipais da cidade: O Vao- Coruxo, Complexo Deportivo de Samil, A Pirucha - San Miguel de Oia, A Guía, Baltasar Pujales - Bouzas, Municipal Pahiño-Navia, As Relfas-Sárdoma, e Complexo Deportivo Municipal das Travesas.

O Torneo Internacional de Fútbol Base Vigo Cup rixese segundo as normas da FIFA e da Federación Española de Fútbol. Os equipos divídense en grupos de 4 ou 5, dependendo do número de equipos inscritos. Nunha primeira fase enfrontáanse nunha liga a unha soa volta.

Na segunda fase o 1º e 2º de cada grupo clasifícanse para a fase final, e o 3º e 4º de cada grupo xogan a serie de consolación. Esta segunda fase desenvólvese polo sistema de eliminación directa.

Durante a competición todos os xogadores e equipo técnico poideron disfrutar do transporte urbano gratuíto coa empresa (VITRASA) amosando a súa credencial do Torneo, pois todos os campos onde se disputarán os encontros contan cunha liña de autobús próxima.

Vigo é unha cidade diversa, chea de posibilidades que ofrece a todos os participantes, equipo técnico e acompañantes a oportunidade de coñecerla en esencia. É por iso que como tódolos anos pusemos á súa disposición diversas actividades gratuítas tales como visitas a VigoZoo e Museos (Castrelos, Arte contemporánea, Etnográfico Liste, e Arqueolóxico "Salinae"); e descontos en excursións as Illas Cies (Naviera Mar de Ons) e outras actividades lúdicas (Museo do Mar e La Nave del Painball).

Por decimo ano consecutivo celebrouse o torneo de penaltis que proporciona motivación aos rapaces e rapazas e exhibición aos asistentes. Cada equipo presenta un máximo de catro xogadores incluído o porteiro. Unha empresa colaboradora aporta agasallos para os vencedores.

A clausura e finais se realizaron en dous días. O sábado no Complexo Deportivo de Samil e o domingo no Campo Municipal de Coruxo coas categorías mais pequenas.

O cadro de equipos gañadores por categorías foi:

Sub6: categoría non competitiva

Sub7: Rápido de Bouzas

Sub8: Victoria A

Sub10: Celta A

Sub12: Celta

Sub14: Victoria A

Sub16: Areosa

Damas: NBS Seguros



### **C. TORNEO INTERNACIONAL DE FÚTBOL BASE SALA "VIGO CUP"**

Por primeiro ano celebrouse o Torneo Internacional de Fútbol Base Sala "VIGO CUP", con grande éxito de participación

Este torneo surdiu como unha iniciativa deportiva para fomentar e potenciar a práctica do fútbol sala na cidade.

A Fundación VIDE traballou dende principios de ano na organización deste evento.

Uns 2.500 nenos e nenas de entre os 5 e os 16 anos xogaron nos mellores pavillóns (Central das Travesas, Navia, Berbés, Pista Vermella, Balaídos, Bembrive, Candeán, Cois e Teis), apoiados por preto de 300 técnicos. En total oito categorías (sub6, sub8, sub10, sub12, sub14 e sub16, estas dos últimas con categorías masculina e feminina). Xogaron a fútbol sala pero tamén compartiron convivencias, xogo limpo e sobre todo diversión. Combínase deporte e ocio da mellor forma posible: cos mellores campos e coordinadores e coa paisaxe máis envexable, as Rías Baixas.

As datas do 2017 foron dende o luns 26 de xuño ata o domingo 2 de xullo.

O Torneo Internacional de Fútbol Sala Base Vigo Cup rixese segundo as normas da FGFS. Os equipos divídense en grupos dependendo do número de equipos inscritos. Tódolos equipos clasificáronse para xogar unha fase final, os mellores clasificados xogaron a final do torneo e o resto a consolación. Tódolos/as participantes recibiron medallas de participación e trofeos para os/as mellores clasificados/as de cada categoría. Ademais hai trofeo para os/as mellores xogadores/as e para o equipo con maior deportividade, en cada categoría.

O cadro dos equipos gañadores por categorías foi:

Sub6: Grupo Casa Paco 81-A

Sub8: F.S. Parla

Sub10: Salesianos

Sub12: Campito F.S.

Sub14: Doble F Vigo 2015A

Sub16: Red Blue Vigo 2015

Damas: Talleres ABC

Durante a competición todos os xogadores e equipo técnico poideron disfrutar do transporte urbano gratuíto coa empresa (VITRASA) amosando a súa credencial do Torneo, pois todos os pavillóns onde se disputaron os encontros contan cunha liña de autobús próxima.

Vigo é unha cidade diversa, chea de posibilidades que ofrece a todos os participantes, equipo técnico e acompañantes a oportunidade de coñecerla en esencia. É por iso que coma na Vigo Cup de fútbol puxemos á súa disposición diversas actividades gratúitas tales como visitas a VigoZoo e Museos (Castrelos, Arte contemporánea, Etnográfico Liste, e Arqueolóxico "Salinae"); e descontos en excursións as Illas Cies (Naviera Mar de Ons) e outras actividades lúdicas (Museo do Mar e La Nave del Painball).





### D. PROGRAMA SIAREIROS

Un dos motivos principais do nacemento da Fundación foi a creación do programa Siareiros. Nunha cidade como Vigo onde a práctica deportiva está completamente estendida son innumerables os clubs tanto de base como de elite que aportan o seu traballo, esforzo e experiencia a un sen fin de deportistas que gozan diariamente do deporte. Por iso a Fundación tenta xuntar as forzas de todos os patrocinadores e repartir as axudas de apoio aos equipos de base.

Os obxectivos son alentar ao deporte base da nosa cidade co fin de crear unha sociedade cimentada nos valores deportivos da honestidade, solidariedade e saúde; axudar aos equipos de Vigo a facerse un oco no máis alto do deporte nacional e a posibilidade para os equipos de base de Vigo de poder adestrar nas instalacións municipais.

A Fundación crea o carné siareiros como instrumento de afiliación e recadación para os clubs. A través dun programa informático instalado na páxina web da Fundación, [www.vide.es](http://www.vide.es), os clubs introducen nunha base os datos dos/as afiliados/as ao seu club (siareiros). Posteriormente, a Fundación personaliza os carnés co nome, apelidos, número de siareiro, escudo do club, .... e engádesse un código de barras personalizado para un maior control na entrada dos eventos deportivos.

Existen dúas modalidades de carné:

#### A. Carné Siareiro Club

Beneficios para os “clubs de base”. Os clubs comprométense coa Fundación a vender este carné recadando para eles integramente o importe de 6€. E reciben unha subvención segundo os siareiros acadados polo club na tempada e segundo o gasto en instalacións municipais para as súas bases.

Beneficios para os/as Siareiros: Participar en sorteos, promocións e gozar de descontos nos establecementos colaboradores da Fundación.

Formato carné Siareiros base 2017/2018:



#### B. Abono Siareiro Elite

Beneficios para os “clubs de elite”: Os clubs comprométense coa Fundación a vender este carné recadando para eles integramente os importes, seguintes:

Infantil (ata 12 anos):15€

Parado individual:50€

Xuvenil (ata 21 anos):40€

Familiar especial:90€

Universitario:40€

Individual senior: 95€

Xubilado:40€

Familiar(máx.5 persoas):150€

Pensionista: 40€

Palco VIP individual:300 €

Pensionista (PNC): 30 €

Palco VIP dúo: 500 €

E reciben unha subvención segundo os siareiros acadados polo club na tempada e segundo o gasto en instalacións municipais para as súas bases.

Beneficios para os/as Siareiros: Asistir por unha única tarifa a todos os partidos dos clubs de elite da cidade durante toda a tempada; e participar en sorteos, promocións e gozar de descontos nos establecementos colaboradores da Fundación.

Formato carné Siareiros elite 2017/2018:



Os corenta e catro clubs participantes na campaña 17/18 son:

A.D. CARBALLAL BALONMÁN  
ALERTA NAVIA  
ARENAS DE ALCABRE SCD  
BALONA LINENSE, F.S.  
C.D. FREESTYLE SLALOM VIGO  
C.A.R.P.A.  
C.B. SEIS DO NADAL-COIA  
C.B. SAN JOSE DE LA GUIA  
C.N. VIGO-RIAS BAIXAS  
CIOS VIGO  
CLUB BADMINTON RACHAPLUMAS  
CLUB BALONMÁN SEIS DO NADAL-COIA  
CLUB BEMBRIVE MOSTEIRO F.S.  
CLUB CASTRELOS PATINAXE ARTIST.  
CLUB CICLISTA VIGUÉS  
CLUB DE LOITA SAN IGNACIO  
CLUB DE LUCHA CIUDAD DE VIGO  
CLUB DE TENIS DE MESA VIGO  
CLUB DEPORTIVO A PAZ 03  
CLUB DEPORTIVO AMFIV  
CLUB DEPORTIVO BOSCO  
CLUB DEPORTIVO LUME F.S.

CLUB FLIC FLAC  
CLUB PATIN VAGALUME  
CLUB VIGO SQUASH  
CLUB VIGO VOLEIBOL  
CORUXO F.C.  
ESCUELAS DEPORTIVAS VIGO 2015  
F.V.P.R. EL OLIVO  
HALCONES DE VIGO BÉISBOL CLUB  
HÓCKEY CLUB CIES  
MANIOTAS  
MOLEDO C.F.  
NATACIÓN SINCRO. RÍAS BAIXAS  
PATINAJE BALAIÓDOS  
SÁRDOMA, C.F.  
SOCIEDAD DEPORTIVA OCTAVIO VIGO  
TRAVIESAS H.C.  
UNION BALONMAN LAVADORES  
UNIÓN F.S.  
VIGO F.S.  
VIGO ROLLER DERBY  
VIGO RUGBY CLUB  
XUVENIL TEIS DE VOLEIBOL

### E. AXUDAS A DEPORTISTAS VIGUESES E VIGUESAS DE BASE DE MODALIDADES DEPORTIVAS INDIVIDUAIS

O obxecto da convocatoria é a concesión de axudas a deportistas vigueses e viguesas de base de modalidades individuais que auguren unha proxección inmediata ou futura para o deporte de alta competición, acreditando un rendemento inicial e unha especial dedicación á actividade deportiva.

E a súa finalidade é a de consolidar a progresión dos rendementos deportivos, destinándose a sufragar en parte os gastos ocasionados durante o período de adestramento, competicións, perfeccionamento e adquisición de material técnico durante a tempada 16/17.

Os/as beneficiados/as foron deportistas que participaron en competicións de ámbito estatal e internacional nados despois do 1 de xaneiro de 1994.

Cada unha das axudas concedidas contou cunha dotación de 1.000 € brutos (incluídos impostos); cun total de 20 axudas. O total do orzamento para este programa foi de 20.000 € anuais.



Para a concesión das axudas consideráronse os méritos deportivos obtidos polos/as deportistas durante a tempada.

A Comisión de Valoración observou os baremos de puntuación das bases da convocatoria, tendo en conta que no caso de participar en varias probas dun mesmo campionato ou copa só se ten en consideración a puntuación mais alta.

En caso de igualdade, a Comisión tamén considera a discriminación positiva, si o solicitante nunca recibiu axuda de VIDE, si a modalidade é de competición ou de exhibición, o número de axudas conquistadas pola modalidade na presente convocatoria, ou si é deporte olímpico ou non e o número de comunidades participantes no campionato e o seu impacto en número de licenzas.

O Comité pode valorar o outorgamento de axudas especiais a deportistas no caso de situación excepcionais.

Ademais, contéplase a posibilidade de que as becas concedidas sexan compartidas en dúos, tríos ou cuartetos.

Os beneficiados coas axudas están obrigados a destinar a axuda aos fins para os que foi concedida, a prestar a súa colaboración e imaxe cando así se solicite por parte da Fundación VIDE e do Concello de Vigo e a facer unha axeitada publicidade da Fundación VIDE e do Concello de Vigo durante as competicións ou manifestacións deportivas.

O acto de entrega das axudas tivo lugar o 27 de novembro as 19h na Casa Galega da Cultura; resultando beneficiados/as das axudas:


| DEPORTISTA                                                              | MODALIDADE          |
|-------------------------------------------------------------------------|---------------------|
| ANXO COSTA POSADA                                                       | TAEKWONDO           |
| LUIS BUGALLO ARRIOLA                                                    | VELA                |
| ALBERTO LOUREIRO LÓPEZ                                                  | BOXEO               |
| GABRIEL GARCÍA ÁLVAREZ                                                  | TAEKWONDO           |
| JOEL ANTÓN COSTAS                                                       | MOTOCICLISMO        |
| CARMEN ALONSO DE CASTRO                                                 | VELA                |
| GONZALO ROMERO RODRÍGUEZ                                                | SQUASH              |
| MARTA DOMÍNGUEZ FERNÁNDEZ                                               | SQUASH              |
| JORGE CASALES CARRASCO                                                  | MOTOCICLISMO        |
| SILVIA PEQUEÑO PÉREZ                                                    | ESQUÍ NÁUTICO       |
| LAURA VÁZQUEZ FERNÁNDEZ                                                 | JUDO                |
| MARTA GARCÍA LLORCA                                                     | GOLF                |
| RUBÉN FERNÁNDEZ LÓPEZ                                                   | XADREZ              |
| NICOLÁS CARRERA PRADO                                                   | CICLISMO            |
| CELIA GARCÍA BLANCO                                                     | TAEKWONDO           |
| ALEXANDRE SIERRA FARIÑAS E SANDRA PINTOR PÉREZ                          | XIMNASIA ACROBÁTICA |
| BELÉN GÓMEZ ROMERO, ANDREA VERÍSIMO DÍAZ E ALEXANDRA GONZÁLEZ NATIVIDAD | XIMNASIA ACROBÁTICA |
| IRENE GÓMEZ COSTAS                                                      | ATLETISMO           |
| OLAIA GISELA BECERRIL ÁLVAREZ                                           | ATLETISMO           |
| MATEO RODRÍGUEZ DÍAZ                                                    | ORIENTACIÓN         |



## F. PROGRAMA DE COMUNICACIÓN, DIFUSIÓN E INFORMACIÓN

Este programa recolle:

- Páxina web (www.vide.es). Trátase dunha páxina web, áxil, dinámica e que permite unha boa información nos seus contidos.
- Páxina no Diario Decano Faro de Vigo. Coma ven sendo habitual Faro de Vigo renovou a súa colaboración coa Fundación cedendo unha páxina todas as semanas (dende setembro a maio) onde se recollen noticias de actualidade, encontros e eventos deportivos, etc. chegando a un sen fin de persoas por ser un dos diarios de maior tiraxe. Ademais, Faro de Vigo implicase notablemente con publicacións diarias dos eventos mais importantes de VIDE (Vigo Cups, reparto de becas, Campus Polideportivo, Siareiros....).



## G. XOGOS DEPORTIVOS DE REIS

Durante tres días (2, 3 e 4 de xaneiro) tiveron lugar por primeiro ano os Xogos Deportivos de Reis. Nesta actividades participaron nenos e nenas de menor idade en actividades de fútbol, fútbol sala e balonmán. Tódalas actividades se celebraron no Complexo Deportivo das Travesas e de Navia.

Estas xornadas de deporte de base son un proxecto formativo, non competitivo e de convivencia nas datas navideñas.

Os pequenos/as que participaron tiveron nestes tres días de actividade coma única meta a de gozar do xogo.

Os Xogos Deportivos de Reis 17 cerraron a actividade cun acto de clausura no Pavillón de Navia coa presenza do alcalde e o concelleiro de deportes.



## H. LIGA DE NATACIÓN ESCOLAR

A Liga de Natación Escolar “Concello de Vigo”, está organizada polo Concello de Vigo, Club Natación Vigo Rías Baixas, e a Fundación Vide.

A actividade realizouse na Piscina Municipal do Carme (Complexo Municipal das Travesas) . Nas datas: 1ª xornada o 26 de marzo, 2ª xornada o 23 de abril e 3ª xornada o 28 de maio

As xornadas desenvolvéronse dende as 9.00 hasta as 14.00 horas.

A inscrición é gratuíta e houbo dous categorías:

Promesas: nadadores masculinos e femininos nados nos anos 2009, 2010 y 2011.

Benxamíns: nadadores masculinos e femininos nados nos anos 2005, 2006, 2007 y 2008.

As probas disputadas foron:

Na primeira e na segunda xornadas:

- 25 metros libres mixtos Promesas.
- 25 metros costas mixtos Promesas.
- 25 metros libres mixtos Benxamín.
- 25 metros costas mixtos Benxamín.



Na terceira das xornadas con motivo da entrega de medallas e trofeos nadase unha única proba.

As probas nándose polo sistema contrarreloxo (manual). Os resultados son acumulativos nas tres xornadas. Cada nadador ou nadadora debe participar en ambas probas (estilo libre e costas).

A puntuación é 600, 400, 350, 250, 200, 150, 100, 70, 60, puntos dende o primeiro ate o décimo clasificado en cada proba e 50 puntos para o resto de clasificados/as.

Para a clasificación de colexios, a efectos de puntuación, se ten en conta, as puntuacións dos 3 primeiros nadadores masculinos e as 3 primeiras nadadoras femininas de cada colexio, en cada proba e categoría, con independencia do número de nadadores que participen por cada colexio, polo tanto obtense un colexio gañador en categoría benxamín e outro en promesa.

Os premios son: Medallas para todos/as os/as nadadores/as; trofeo ao colexios con maior nivel de participación; trofeo aos 3 colexios mellor clasificados; e trofeos aos 3 primeiros/as clasificados/as masculinos e femininos en cada unha das categorías.

A clasificación por colexios foi a seguinte:

| POS | COLEGIO                      | PUNTUACION |
|-----|------------------------------|------------|
| 1   | COLEGIO APOSTOL SANTIAGO     | 10905      |
| 2   | COLEXIO ROSALIA DE CASTRO    | 5460       |
| 3   | H.H.CARMELITAS               | 3705       |
| 4   | CEP SANTA TEGRA-TEIS         | 3570       |
| 5   | CEIP CANICOVA                | 3500       |
| 6   | CEP DR. FLEMING              | 3385       |
| 7   | CPR SANTA CRISTINA           | 2690       |
| 8   | CPR LABOR                    | 2240       |
| 9   | CPR BOUZA BREY               | 2080       |
| 10  | CEIP JAVIER SENSAT           | 1910       |
| 11  | COLEGIO SAN JOSE DE CLUNY    | 1445       |
| 12  | CEIP LOPE DE VEGA            | 1355       |
| 13  | CEIP PINTOR LAXEIRO          | 1070       |
| 14  | COLEXIO MARTIN CODAX         | 1060       |
| 15  | CPR NIÑO JESUS DE PRAGA      | 655        |
| 16  | COLEGIO AMOR DE DIOS         | 480        |
| 17  | AD CASTRO-SAN MIGUEL         | 390        |
| 18  | CPR ALBA                     | 350        |
| 19  | CEIP GARCIA BARBON           | 275        |
| 20  | CEIP EMILIA PARDO BAZAN      | 240        |
| 21  | COLEXIO MONTERREY            | 180        |
| 22  | CEIP MOSTEIRO-BEMBRIVE       | 145        |
| 23  | CEIP SARDOMA-MOLEDO          | 140        |
| 24  | CEIP OTERO PEDRAYO           | 125        |
| 25  | CEIP VALLE-INCLAN            | 90         |
| 26  | COLEGIO ACACIAS-MONTECASTELO | 80         |
| 27  | EEI VILA LAURA               | 45         |
| 28  | CEIP PARROCO DON CAMILO      | 30         |



## I. PREMIOS VIDE

Todos os anos a Fundación VIDE concede estes recoñecementos no ámbito do fútbol. En cada nova edición recoñécese o labor do fútbol vigués, e tamén a súa proxección a nivel nacional, aplaudindo o traballo das entidades deportivas da cidade e recoñecendo que o fútbol "é unha das principais modalidades elixidas pola mocidade no programa municipal de escolas deportivas", segundo verbas de Abel Caballero na última entrega destes galardóns no ano 2017, que recaeron en:

|                                               |                            |
|-----------------------------------------------|----------------------------|
| Brais Méndez (R.C. Celta B)                   | Mellor promesa sub 21      |
| Noelia Pereira (Atlántida de Matamá)          | Mellor futbolista feminina |
| José Ramón Val "Chicho" (Atlántida de Matamá) | Mellor adestrador          |
| Humberto Pérez (C.D. Areosa)                  | Mellor directivo           |
| Alicia Andrés                                 | Mellor arbitro             |
| Pablo Tojeiro (New Balance)                   | Mellor patrocinador        |
| Gran Peña F.C.                                | Mellor entidade deportiva  |

## J. OUTROS PROGRAMAS DE PROMOCIÓN DEPORTIVA

Dende o nacemento da Fundación VIDE se ven desenrolando a campaña de captación de voluntariado deportivo denominada "VOVI", é dicir, "Voluntario/a Vide", onde o obxectivo é a dinamización da actuación voluntaria no ámbito deportivo, na realización de actividades ou eventos deportivos que precisan da axuda da cidadanía.

En Vigo celébranse ao ano mais de 150 eventos deportivos, que van dende o mais alto nivel nacional, internacional e mundial, ata aqueles populares organizados nas parroquias da nosa cidade. De forma xeral, todos e cada un destes eventos e actividades deportivas, demandan unha colaboración para facer efectiva a súa organización, é dicir, solicitan os medios humanos de cara a colaborar en diversas áreas de organización. Estas actuacións en materia deportiva, pola súa tradición e repercusión, enxalzan cos principios universais de unión, amizade e participación de distintos pobos e culturas. É por iso que a Fundación participa coa súa cidade mediante o voluntariado deportivo como signo de solidariedade e cordialidade.

Neste ámbito de traballo a actuación dos nosos VOVIS centrase cada ano en cubrir mais de trinta eventos deportivos propios ou externos a Fundación.

No ano 2017 colaboraron cos seguintes eventos:

XOGOS DE REIS 2017  
XVI CAMPIONATO GALEGO DE GRUPOS DE SHOW  
A GRAN BIKEDADA  
FASE ZONAL DE XOGADE  
XVIII MEDIO MARATÓN VIG BAY  
ENKI VIGO  
I CARRERA CORREPASILLOS  
HOLI RUN VIGO  
DÍA DO PATÍN  
DÍA DA RÍTMICA  
10KM SAMIL  
PEDALIÑA  
III MARCHA SOBRE RUEDAS  
CARREIRA DE SAN JUAN  
XXVI GRAN PREMIO CICLISTA TEIS

VIGO CUP(FÚTBOL E FÚTBOL SALA)  
CAMPUS POLIDEPORTIVOS  
A PEDALIÑA  
VIKUL  
VIGO BATTLE OF TEAMS SUMMER 2017  
XLIV GRAN PREMIO CIDADE DE VIGO  
VIGO STREET STUNTS  
10 KMS XORNADAS MARISQUEIRAS  
SEMANA EUROPEA DA MOBILIDADE  
V TRIATLÓN DESAFÍO ISLAS CÍES  
34ª MARCHA ASPANAEX  
DESAFÍO BOOT CAMP  
UNHA BICI, UN SORRISO  
VIGO+11  
TORNEO DE NADAL FÚTBOL 8-CONCELLO DE VIGO



É importante a colaboración que mantemos coa Agrupación Deportiva Vigo entidade organizadora da competición “Vigo en Xogo”. Esta competición conta cuns 3.000 participantes dende setembro a xuño nos deportes de fútbol sala, fútbol 7 e baloncesto. A nosa axuda pasa pola cesión de espazo nas nosas oficinas, e apoio a organización a través de nosa web.

Ademais de coa familia deportiva viguesa a Fundación Vigo en Deporte, colabora co Concello de Vigo pola estreita vinculación que nos une, nos programas levados a cabo pola Concellería de Deportes ao longo de todo o ano.

## FUNDACIÓN VIDE